

Petikan Kuntum-kuntum Bunga

Halaman ini kami hiasi dengan kuntum-kuntum bunga yang kami telah petik di sana sini. Kepada sesiapa yang meminati, silalah pula menyuntingnya.

Wanita Dengan Persamaan Hak.

Semasa kaum wanita sedang kecoh di England dan berjuang untuk merebut persamaan hak dengan kaum lelaki, sekumpulan dari pergerakan kaum wanita telah mendatangi Ketua Pengarang salah sebuah akhbar di London untuk menyampaikan kepadanya tuntutan-tuntutan mereka terhadap hak-hak persamaan dengan kaum lelaki itu.

Dengan cara yang mengejek Ketua Pengarang itu bertanya: Tetapi apakah yang puan-puan hendak buat kalau misalnya berlaku sesuatu peperangan selepas mendapat persamaan hak dengan mereka?

Salah seorang dari mereka menjawab: Kami akan buat benar-benar seperti yang dibuat oleh Ketua-ketua Pengarang akhbar, iaitu tinggal di tempat masing-masing sambil menggalakkan orang lain supaya pergi ke medan perang.

* * *

Melaksanakan Persamaan Hak.

Suatu majlis bahas telah menjadi hangat kerana pihak pencadang dari kaum wanita menuntut persamaan hak dengan kaum lelaki, sedang pihak pembangkang pula dari kaum lelaki. Perbahasan tersebut tidak mencapai apa-apa keputusan dan majlis bersurai dengan begitu sahaja.

Pada sebuah tempat perhentian bas seorang perempuan

tua sedang menunggu bas. Tiba-tiba sebuah bas berhenti di hadapannya lalu perempuan tua itu naik. Bila dia berada dalam bas itu, didapatinya sesak dengan penumpang-penumpang yang terdiri dari lelaki dan perempuan, dan dia terpaksa berdiri kerana tak ada tempat duduk yang kosong. Dia hairan kebanyakannya penumpang yang berdiri itu terdiri dari kaum perempuan sedang yang duduk kebanyakannya kaum lelaki, dia bertanya kepada pemuda yang duduk berhampiran dengan tempatnya berdiri: Sepatutnya kamu berikan tempat duduk kamu kepada kaum yang lemah itu supaya mereka duduk dan kamu mengalah untuk berdiri.

Pemuda itu menjawab: Ibu jangan menyalahkan kami, tetapi salahkanlah kaum wanita sendiri yang menuntut haknya seperti lelaki dan mereka sekarang rela berdiri.

* * *

Mengapa Dia Menarik Balik.

Seorang berniat menjual ladangnya lalu pergi ke pejabat pengiklan di salah sebuah surat khabar. Dia menyatakan niatnya itu kepada pihak yang menguruskannya. Pengurus iklan itu kemudian telah membuatkan contoh (*proof*) iklan itu kepada pengiklan tersebut sebelum disiarkan dalam surat khabar. Iklan itu dibacakannya di hadapannya berbunyi:

.... Untuk jualan, sebidang tanah perkebunan

Wanita Pada Orang-Orang Greek Dan Rom.

luasnya 60 ekar. Tanahnya subur terletak di kawasan

Mengikut undang-undang orang Rom, bahawa orang

yang berpemandangan cantik, pohon-pohnnya sangat rendang, ada
pula sebatang sungai mengalir di kawasan itu yang boleh
dijadikan tempat memancing ikan. Perkebunan yang sunyi,
udaranya menyegarkan, jalan masuk ke kebun yang
menghubungkan dengan kota memuaskan....

lelaki mempunyai kuasa penuh terhadap wanita,
hinggakan oleh membunuhnya bila ia menghendaki, tak ada
baginya hak memiliki selagi ada bersama dengan orang
lelaki. Sedang mengikut undang-undang orang Greek pula
wanita itu mempunyai banyak tanggungjawab tetapi
sedikit pun tak ada mempunyai hak, orang Greek dan
Rom juga memandang bahawa wanita merupakan suatu
benda yang dimiliki seperti juga lain-lain benda yang
boleh diperjual belikan, diambil dan diberikan. Seorang
suami menganggap isterinya sama seperti seekor
kuda kepunyaannya atau senjata boleh disewakan dan
dihutangkannya.

Bila tuan punya kebun itu mendengar kandungan
iklan tersebut maka berkatalah ia kepada pengurus iklan
itu dengan katanya: Sekarang tak jadilah saya menjualkannya.
Pengurus itu kehairanan lalu bertanya: Mengapa?

Dijawabnya: Saya memang sudah lama hendak
mencari tanah perkebunan yang seperti ini.... jadi
selagi kebun saya mempunyai syarat-syarat yang seperti
itu saya tak akan menjualkannya.

Plato (Aflātūn) berpendapat dalam buku

* * *

“*Republic*” bahawa menjadi suatu kemestian
memperedarkan kaum wanita seperti halnya barang-barang yang
lain.

Tidak Membalas Budi

Seorang pelanggan selalu sahaja minta tangguh
bayaran kepada doktor gigi yang merawatnya dan membuatkan
gigi palsu. Doktor itu terpaksa pergi menuntut kepadanya
bersemuka dengan harapan mendapatkan upah kepenatannya.
Kemudian telah kembali ke kliniknya dengan perasaan yang
jengkel dan amat marah. Setiausaha telah bertanya
kepadanya: Saya rasa urusan itu agaknya belum dapat
dibereskan mengikut yang tuan kehendaki....

Tidakkah orang itu membayar upah kepenatan tuan? Doktor
gigi itu pun menjawab: bukan sahaja dia enggan
membayarnya, malahan dia menggigit saya dengan gigi
palsunya. Memang dia tak membalas budi orang.

* * *

Yang Mula-mula Sekali

Orang yang mula-mula sekali tahu tentang dinamit
(letupan) dan meletupkannya ialah orang-orang Cina, mereka lah
yang mula-mula sekali tahu membuat patung-patung, menerbitkan
akhbar harian, yang mula-mula tahu menggunakan wang
kertas ganti wang dari logam, dan mereka lah orang
yang mula-mula sekali tahu menggunakan kompas.

Negeri yang mula-mula sekali menggunakan kaum
wanita dalam perkhidmatan pos ialah negeri Perancis.

Orang yang mula-mula sekali membuat tempat penukaran bagi mengedarkan matawang kertas, ialah seseorang bangsa Sweden bernama “Blamestork”¹.

Kapal selam yang mula-mula sekali direka ialah pada tahun 1863.

* * *

Kelebihan Bersedekah

Diceritakan dari Makhlūl al-Dimashqī katanya: Ada seorang lelaki datang kepada Abū Hurayrah *raḍīya Allāhu ‘anhu* dan berkata kepadanya: tolonglah tuan doakan anak saya bernama Zayd supaya dia selamat, kerana saya berasa perasaan saya tidak senang memikirkan kalau-anak saya dalam bahaya. Abū Hurayrah menjawab: maukah engkau kutunjukkan suatu jalan yang lebih baik lagi daripada saya mendoakannya kerana akan lekas berhasil dan mudah termakbul?

Orang itu mengatakan, mahu, lalu kata Abū Hurayrah: pergilah engkau berbuat bersedekah dengan meniatkan minta diselamatkan anakmu dan juga diselamatkan apa yang ada bersama-sama dengannya. Orang itu pun pergilah meninggalkan Abū Hurayrah dan bersedekah dengan mengeluarkan satu dirham seraya berkata: inilah kuniatkan untuk melepaskan anakkku dan untuk menyelamatkannya dan menyelamatkan semua orang yang bersama-sama dengannya. Tak lama kemudian kedengaranlah suatu suara datangnya dari arah sebelah lautan yang berbunyi: ketahuilah bahawa tebusanmu diterima dan anakmu si Zayd tertolong.

Tidak berapa lama kemudian anak orang itu pun balik dari pelayarannya.

Ayahnya pun bertanya kepadanya apa khabarnya dalam

pelayaran? Anaknya menjawab dengan katanya: Wahai ayahku! saya telah melihat suatu perkara yang sangat ajaib waktu saya di laut iaitu pada hari sekian-sekian dan pada masa sekian-sekian. (Itulah hari yang bapanya bersedekah pada masa itu) Pada masa itu saya hampir sahaja tenggelam bersama-sama kapal yang kami tumpangi tiba-tiba saya mendengar suatu suara yang dibawa oleh angin mengatakan: Ketahuilah bahawa tebusanmu diterima dan anakmu si Zayd tertolong. Nampak beberapa orang yang berpakaian putih telah datang memandu kapal kami sampai ke pulau yang terdekat dan kami telah selamat semuanya.

* * *

Tak ada sesuatu perkara itu akan berkekalan.

Adalah diceritakan bahawa Raja Parsi bernama Abu Sharwān² – semasa dia masih kecil – ada mempunyai seorang guru bernama “Azdasher”. Pada suatu hari telah memukulnya, dia teringat peristiwa itu semasa ia kemudian menjadi raja, dan telah memerintah kerajaannya.

Gurunya telah dipanggilnya menghadap dan ditanyainya: Hai Pak Guru! Pada sekian-sekian haribulan engkau telah memukul aku dengan tidak ada apa-apa kesalahan yang telah aku lakukan. Mengapa engkau telah berbuat seperti itu kepadaku?

Guru itu pun menjawab dengan pantas: Ampun Tuanku! Mengikut firasat saya, Tuanku akan menjadi seorang raja yang paling adil di muka bumi. Saya sangaja hendak mengajar Tuanku bagaimana rasanya menerima kezaliman, agar supaya Tuanku tidak berlaku zalim.

¹ Perkataan tidak dapat dikesan

² Merujuk kepada Shirvan (ejaan Parsi).

Mendengar itu sukalah hati Raja, lalu berkata:

tempat dudukmu di sebelah sini – sambil ia menunjuk

ke sebelah kanannya – yang bererti dia telah dilantiknya

menjadi wazirnya yang kanan. Kemudian katanya pula: Hai

Azdascher! Aku ingin supaya engkau tunjukkan kepadaku

suatu jalan yang mmbuktikan kebenaran peristiwi itu

kepadaku, dan membuktikan benar-benar akulah manusia yang

paling adil.

Jawapan guru itu: Besok saya berikan

jawapannya tuanku.

Pada keesokan harinya raja agak lekas

kedatangannya di singgahsana, lalu berkata: Mana dia yang

engkau janjikan itu hai wazirku? Azdascher

hanya menunjuk sahaja dengan tangannya ke arah sekeping

papan yang bertulis dengan tulisan Parsi yang terletak

berhadapan dengan raja, seraya katanya: Tuanku lihatlah

dan sila membacanya. Tulisan itu berbunyi: “Kalaularah

kiranya berkekalan kepada orang lain, nescaya tidaklah

akan sampai kepadamu.” Kemudian Azdascher berkata:

Ampun tuanku! Tiap-tiap kali hati kecil tuanku

membisikkan kepada tuanku supaya berlaku zalim kepada

seseorang, hendaklah tuanku mengingat bahawa kerajaan

tuanku itu akan lenyap. Dan memanglah mustahil kalau

ada sesuatu yang akan kekal....



Yang Maha Mulia Yang di-Pertuan Agong diikuti oleh Raja-raja dan Gabenor-gabenor dari wilayah Malaysia sedang menuju

ke tempat duduk khas kerana menghadiri Perisytiharan Malaysia di Stadium Merdeka.

(Gambar Ihsan Pejabat Penerangan Kuala Lumpur)